



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-051-4/26**

Datum: **18.05.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica «SLIŠKO» d.o.o. Žepče, za donošenje rješenja o vodnoj dozvoli za ispuštanje oborinskih onečišćenih voda u prirodni recipijent sa lokacije objekta benzinske pumpe sa pratećim sadržajima izgrađenog u naselju Bistrica, općina Žepče, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «SLIŠKO» d.o.o. Žepče, daje se vodna dozvola za ispuštanje oborinskih onečišćenih voda u prirodni recipijent sa lokacije objekta benzinske pumpe sa pratećim sadržajima, izgrađenog u naselju Bistrica na zemljištu označenom kao k.č. broj: 322 K.O. Bistrica, općina Žepče.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene vode sa saobraćajnih, radnih i manipulativnih površina nesmetano sakupljaju i odvode do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju u mjesnu kanalizacionu mrežu sa krajnjim ispustom u rijeku Bosnu.
 - 2.3. Prečišćene oborinske onečišćene vode moraju ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.4. Objekte čija je svrha odvodnja i prečišćavanje oborinskih onečišćenih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.5. Skladištenje nafte i naftnih derivata vršiti u podzemnim dvoplašnim čeličnim rezervoarima zapremine 200 m³ (4x50 m³).
 - 2.6. Skladištenje i pretakanje nafte i naftnih derivata, kao i ispitivanje ispravnosti i propusnosti rezervoara za skladištenje goriva, vršiti u skladu sa Zakonom o naftnim derivatima u Federaciji Bosne i Hercegovine («Službene novine Federacije BiH» broj 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 2.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).

- 2.9. Talog iz separatora se ne smije ni privremeno odlagati na česticu «vodno dobro», odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «SLIŠKO» d.o.o. Žepče, podnijelo je dana 13.02.2026. godine zahtjev za izdavanje vodne dozvole za ispuštanje oborinskih onečišćenih voda u prirodni recipijent sa lokacije objekta benzinske pumpe sa pratećim sadržajima izgrađenog u naselju Bistrica, na zemljištu označenom kao k.č. broj: 322 K.O. Bistrica, općina Žepče.

U provedenom postupku dostavljena je i pregledana sljedeća dokumentacija:

- Ovjereni kopija Rješenja o izmjenama podataka u sudski registar broj: 043-0-Reg-25-000280 izdatog dana 20.03.2025. godine od strane Općinskog suda u Zenici,
- Ovjereni kopija Aktuelnog izvoda iz sudskog registra broj: 043-0-RegZ-25-003973 izdatog dana 15.12.2025. godine od strane Općinskog suda u Zenici,
- Ovjereni kopija Uvjerenja o registraciji poreznog obveznika izdatog dana 20.01.2025. godine od strane Porezne uprave Federacije BiH - Kantonalni porezni ured Zenica,
- Ovjereni kopija Uvjerenja o registraciji/upisu u Jedinostveni registar obveznika neizravnih poreza broj: 04/1-17-1-UPJR/1-326-2/25 izdatog dana 22.01.2025. godine od strane Uprave za indirektno-neizravno oporezivanje Banja Luka,
- Ovjereni kopija Rješenja o vodnoj dozvoli broj: UP-I/25-3-40-552-4/20 izdatog dana 10.02.2021. godine od strane «Agencije za vodno područje rijeke Save» Sarajevo,
- Kopija Rješenja o odobrenju gradnje broj: 09-23-2-105/2000 izdatog dana 31.08.2000. godine od strane Službe za graditeljstvo i prostorno uređenje Općine Žepče (izdato na ime Ivan Kljajić),
- Kopija Rješenja o upotrebi objekta broj: 09-23-2-159/2000 izdatog dana 23.02.2001. godine od strane Službe za graditeljstvo i prostorno uređenje Općine Žepče (izdato na ime Ivan Kljajić),
- Kopija Rješenja o upotrebi dograđenog dijela objekta sa izmjenom poslovnog prostora UP-I-Broj: 03-23-2-51/08 izdatog dana 04.03.2008. godine od strane Službe za graditeljstvo i prostorno uređenje Općine Žepče (izdato na «Seting» d.o.o. Žepče),
- Kopija Zaključka o odbacivanju zahtjeva za izdavanje vodne dozvole broj: 05-25-09906-2/18 izdatog dana 18.12.2018. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,

- Kopija godišnjeg izvještaja o monitoringu i ispitivanju količine i kakvoće otpadne vode broj: I-OV-02-90-022/24 za BP «SLIŠKO» u Bistrici, općina Žepče urađen od strane «HERKON» d.o.o. Mostar, juni 2024. godine,
- Kopija Izvještaja o monitoringu i ispitivanju količine i kakvoće otpadne vode broj: I-OV-02-90-043-2/25 za BP «SLIŠKO» u Bistrici, općina Žepče urađen od strane «HERKON» d.o.o. Mostar, august 2025. godine,
- Kopija Ugovora broj: 1761/25-DS o čišćenju separatora i odvozu otpadnog mulja i taloga iz separatora zaključenog dana 08.01.2025. godine između «SLIŠKO» d.o.o. Žepče i «DELTA PETROL» d.o.o. Kakanj (prilog: radni zapisnik o radovima čišćenju separatora broj: 133-09/20 od 14.02.2026. godine i kopija fakture broj: 000480-1 od 16.02.2026. godine),
- Glavni projekat za Benzinsku pumpu u Bistrici urađen od strane «TADIĆ» d.o.o. Žepče (šifra: 3-9-30/99, decembar 1999. godine) - na uvid,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta u naselju Bistrica, općina Žepče i tom prilikom je sačinjen Zapisnik o uviđaju broj: UP-1/21-3-40-051-2/26 od 05.05.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni objekat benzinske pumpe sa pratećim sadržajima je izgrađen u naselju Bistrica uz regionalnu saobraćajnicu Žepče - Zavidovići i čine ga: prodajni objekat sa ugostiteljskim i administrativnim dijelom, nadstrešnica sa automatima za istakanje goriva, podzemni rezervoari za skladištenje goriva, nadzemni spremnik za LPG, separator masti i ulja. Radne, saobraćajne i manipulativne površine su završno obrađene asfaltom odnosno betonom, sa padovima prema slivnicima.
- Za predmetni objekat je, u ranijem postupku, od ove Agencije ishodovano Rješenje o vodnoj dozvoli broj: UP-I/25-3-40-552-4/20 od 10.02.2021. godine. U toku uviđaja utvrđeno je da nije bilo izmjena u odnosu na naprijed navedenu vodnu dozvolu.
- Zauljene oborinske vode sa radnih, saobraćajnih i manipulativnih površina benzinske pumpe se sistemom linijskih slivnih rešetki, uličnih slivnika i kanalizacione mreže prikupljaju i odvođe na tretman u trokomorni separator masti i ulja. Preliv iz separatora je, preko okna za monitoring, u mjesnu kanalizacionu mrežu sa krajnjim ispustom u rijeku Bosnu.
- Snabdijevanje vodom je obezbijeđeno priključkom na gradski vodovodni sistem. Sanitarно-fekalne otpadne vode se prikupljaju zasebnim kanalizacionim sistemom i odvođe u kanalizacionu mrežu MZ Bistrica za što je od strane nadležnog Ministarstva za poljoprivredu, šumarstvo i vodoprivredu Zeničko-dobojskog kantona izdat vodni akt.
- Smještaj goriva se vrši u ukopanim, čeličnim, dvoplašnim rezervoarima kapaciteta 200 m³ (trenutno u upotrebi rezervoari kapaciteta 2x50 m³). LPG se skladišti u nadzemnom rezervoaru kapaciteta 5 m³.
- Čišćenje i pražnjenje separatora vrši se od strane ovlaštenog pravnog lica «DELTA PETROL» d.o.o. Kakanj prema posebnom Ugovoru (na uvid dat zapisnik o čišćenju od 14.02.2026. godine).
- Monitoring otpadnih voda se vrši redovno. Na uvid je dostavljen godišnji Izvještaj o monitoringu kvaliteta i kvantiteta otpadnih voda benzinske pumpe urađen juna 2020. godine od strane «HERKON» d.o.o. Mostar. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.
- Monitoring otpadnih voda se vrši redovno. Na uvid je dostavljen Izvještaj o monitoringu kvaliteta i kvantiteta otpadnih voda benzinske pumpe urađen u augustu 2025. godine od strane «HERKON» d.o.o. Mostar. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, članova 12. i 13. Pravilnika o sadržaju, obliku, uvjetima, načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnositelj zahtjeva «SLIŠKO» d.o.o. Žepče, ispunio minimum uslova za izdavanje vodne dozvole za ispuštanje oborinskih onečišćenih voda u prirodni recipijent sa lokacije objekta benzinske pumpe sa pratećim sadržajima izgrađenog u naselju Bistrica, općina Žepče, te je riješeno kao u dispozitivu ovog Rješenja.

Uplaćeni su i posebni troškovi prema Zaključku ove Agencije broj: UP-1/21-3-40-049-2/26 od 04.05.2026. godine.

Podnositelj zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.grad.

Po ovlaštenju:

Rukovodilac sektora za izdavanje vodnih akata


Nihad Pezo, dipl.inž.grad.

Dostaviti:

- «SLIŠKO» d.o.o. Žepče
Goliješnica bb, 72230 Žepče
- Ⓞ AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava